



## Жюрбежюр кюмекар тувра

Хив райондин главайин жягътлувалинди райадминистрацияий мобилизовать дапнайидарин ва махсус дявдин операцияий талаф гъахидарин хизанариз социально-бытовой кюмекар тувбан штаб тешкил дапна.



Думу хизанариз жюрбежюр кюмекар тувбиина райондин Собраниеийн депутат, райондин дишагълийрин Совет, муниципалитетдин пресс-гъуллугъ ва волонтерлар жалб дапна. Думу яхнинна жалб дапнайи ксари зийхъ къайд дапнайи хизанариз багарихъди продуктарин наборлар тувна. Депутатарин райондин Собраниеийн председател Садик Исрафиловди клурайиганси, мобилизовать дапнайидарин ва махсус дявдин операцияий талаф духънайидарин хизанариз психологический кюмекар тувра, дурар коммунальнй плателар тувбан, пособири гъадагъбан ва жара месълийрин гъаврикк къаъра.

Пресс-центр.

## Чвлин сабпи призыв

Россияийн Федерацияийн Яракълу Къувватарин жергйириз жигъил баяр гъахру чвлинна къордун призыв ккебгъна. Му призыв 31-ни декабризкъан давам шулу. Хив ва Агъул районарин саки 50 кас армияийз гъахбан табушурт тувна.

7-ни ноябрь райцентрийин али Гъалибвалин паркди дивнай «Лизи къарнийир» ччур али мемориальнй комплексдихъ призывниклар РФ-ийн армияийн жергйириз гъахбаз таялукъ дапнайи шадвалин серенжем клули



гъушну. Му серенжемди Хиварин гъулаъ айи идарийрин гъуллугъчйир, гъушн гъуларин агъалир уч духънай. Жигъил баяр армияийз гъахбаз таялукъ вуйи серенжем «Хивский район» МО-ийн администрацияийн глава Ярмет Ярметовди ачмши гъаплну ва призывникларин ихъ абийрин уждар аьдатар давам аплури, армияийн жергйирин намуслувалинди гъуллугъ аплувал ккун гъаплну, призывникларин армияийн жергйирин гъуллугъ аплуз гъагъовал мубарак гъаплну, гъуллугънаъ хърукъувалар гъазанимиш аплуб, абийр-бабарихъди, багахълуийрихъди, дустирихъди аьлакыйир уьрхувал, чпиз туву насигъатар клули аьдагъувал ккун гъаплну.

Шадвалин серенжемдин гъулху Хив ва Агъул районарин военный комиссар Пирмагомед Кубачевди гъаплну: «Гъи ухъу ийрхъур касдикан ибарат вуйи жигъиларин десте армияийз чпин Конституционнй буржи тамам аплуз, Ватандиз гъуллугъ аплуз гъаърахъа. Учву Хив ва Агъул районарин военный комиссариатдин отделениеийн начальникдин аьхюну кюмекар Али Шахиновдихъди маршруткыйиди Махачкалайин призывной пунктназ гъагъорчва. Дина гъагъорайи рьякъюь Али Шахиновдин буйругъарихъ хъпехъурчва. Махачкалайиз хърукъиган призывной комиссия хъанара учв сагъламвализ лигуру. Сагъламвалин жигъатнаан учвуз проблемийр ади гъахмиш, дурарикан комиссияийз хабар тувру мумкинвал шулчуз.

Махачкалайи медицинский комиссияий чан ляхин кудубкйибалан къялхъа, учв образованиеийн дережайиз лигуну, учву воинский частарин дуфнайи вакиларин ихтиярназ тувру ва гъадарин ихтиярнаъ шулчува.

Военный частариз гъадму вакиларихъди поездарихъ вая автобусарихъ ади гъагъорчва. Думу частариз рьякъюь учвайиз улихъна учвуз военный форма тувру. Думу форма дубуз, члур хъуз мигъитанай, фицики сарун учвуз цийи форма тувдар. Гъудубу, члур гъабхи формайин ерина цийиб учву улпулхъ масу гъадабгъуз мажбур шулчув. Военный частариз гъгъорайи рьякъюь ички, наркотический шейъар ишлемиш аплуб, гражданский агъалирихъди гафар аплуб, дурарихъди аьлакыйи аплуб гъадагъа аплурайи ляхин ву. Учвухъна рьякъюь иплру сухой паекра тувру.

Войсковой частназ хърукъиган учв абийр-бабариз войсковой частан телефонарин нумрийрикан, хъа командариз учв абийр-бабарин телефонарин нумрийрикан хабар тувай. Командарин ва абийр-бабарин учв инди дамагъ аплруганси гъуллугъ аплунай. Учвуз ягъурлу рьякъ ибшри!».

Хъасин Пирмагомед Кубачевди ва Ярмет Ярметовди призывникларихъна военный билетар тувну ва сабансан ражари дурариз гъагъорайи рьякъ ягъурлуб хъувал ккун гъаплну.

Р.Балабеков.

## Гъелемар кивбан акция

3-ни ноябрь Хив районди халкъдин сативалин Йигъаз ва воинский баркалувалин йигъаз таялукъ дапнайи «Гъар кив» ччур али акция клули гъушну. Акцияий вари гъуларин администрацияийн главйири, мектебарин



директорари, мялимари, культурайин, медицинаийн, райцентрийн али идарийрин гъуллугъчйири иштирак гъаплну. Му йигъан акцияийн иштиракчйири Сулейман-Стальский ва Хив районарин сяргъатдин дивнайи аркаийхъан Цлантарин гъулазди вуйи рьякъюь къюбиб гъирагъарихъ 150-рилан артухъ зурдин гъелемар кивну.

Гъелемариз вахт-вахтна гъуллугъ аплувал къат'и ксариз табшурмиш дапна.

Пресс-центр.

## Цин ялавнаъ айи баяриз кюмекар

Ихъ уьлкеийн яракълу къувватари Украинаий клули гъабхурайи махсус метлеб айи дявдин операция ккебгъну, йицуб клуру вазирак кубкуну. Дагълу ифи жанди либухурайи агъзариинди дагъустан баяри дявдин цин майданди жюрэтлувал улпура. Халис игитариси Ватан бадали ифдин цадал гъайиф дарапни, гъийин йигъаз уьмриан гъушдарин къадарра циб

«Саб вуйи Урусат» партияийн инсанар къабул аплру йишван клули айи ва гъацира Хив райондин телевидениеийн мухбир Инаят Рамазанова ву.

Му месълаийн гъахънаан мялуматар гъадагъуз Зумрия Саидгъамедовайихъна илттикнийза. Ич арайи гъабхи сюгъбат жикъиди исихъ чап аплурача.

– Зумрия Эрзимановна, му



дар.

Йигъ-йиш дарпиди дурари гъабхурайи женнакан, алдагъурайи ликарикан гъарсариз мялум вухъуз. Мидихъди аьлакълуди гъар гъафтайк Дагъустандин саб-къюб КамАЗдиди гуманитарнй гъагъ ихъ баярихъна рубкъура. Хъа дурари, чпихъан ухъуз жаваб вуди, жандин гъавийр, гевол ачухъ аплру разивалин гиссар кайи видеороликлар хътаура.

Нубатан ражари вуди ихъ баяриз гуманитарнй гъагъ Хив райондин гъазур гъаплниий.

Думу ляхин тешкил гъаплдар ва клули гъубхдар Хив райондин ЦБС-дин директор ва райондин дишагълийрин Советдин председател Зумрия Сеидгъамедова, райондин депутатарин собраниеийн председател Садик Исрафилов ва

акция фици тешкил гъаплуб вуйичв?

– Хив район Урусатди гъахурайи саки вари акцияийн терефкар ву. Районди му жюрейин ляхин гъабхувал аьдатназ илттикнайи, Хив райондин глава Ярмет Ярметов клули ади, вари администрацияийз, райондин агъалириз ва саб фила вуш райондин удучлвну душну гъирагъди чпин мадар аплурайи, хъа гъамциб читин йигъан ухъуз бакар шулайи ва ватанпервервалин гиссар айи инсанариз чухсагъул пуз кундузуз. Дюн яйиз ислгъвал хурча клури, дявдин майданди голлдихъ мухур гивну, цин ялавнаъ айи ихъ баярикан, киван хил иливну, гъаммишан баярин дихназ

(Ахир 4-ни машина)

